

Na forti luci

Mentri caminava pi strata, nfilavu la manu
nsacchetta e truvavu un fogliu di carta
tuttu mpignuniatu,
forsi mi l'avia scurdatu.

Lu grapivu, nun si putiva lèggiri,
lu stiravu cu li stessi me mani e vitti
ca cc'era scritta na poesia,
na poesia ca parlava di tia.

Cc'era scrittu quannu ti misi
mbrazza e nni dèttimu
la prima vasata, la vucca to
era duci, nzucarata.

Cuntuavu a lèggiri, ogni tantu mi
isava l'occhi pi salutari quarchii amicu,
mentri ricurdava ddi jorna fatati
jorna di veru nnamurati.

Tuttu nsemmula stava cadennu,
mi ritruvavu d'avanti
na pocu di scaluna,
nun cadivu pi fortuna.

L'acchianavu e trasivu n'un purtuni
granni e gatu, fu attrattu di na forti
luci ca trasiva di na finestra gata
e arrivava finu nterra allargata.

Ancora cu ddu fogliu mmani
cci avvicinu e mi ritrovu
addinucchiatu terra a prigàri
senza dda luci putiri tucàri.

Nni dda luci cc'era Gesù! Lu primu
pinzeri fu chiddu di diricci: "Signuri!
Ferma sti guerri, cunverti sti dittatura,
dunacci fidi, pirduna natri piccatura".

Mi talià e m'arridi, isà l'occhi ncelu
e cu la manu parsi ca mi tucà la frunti,
tuttu nzemmula dda luci scumpari,
a Gesù nun lu vitti cchiù, si nni ji.

L'òrganu di la Chiesa Matri
armuniusu cumincià a sunari,
li fedeli cu li mani isàti cantavanu,
nzemmula a lu coru chi gridavanu.

ALLELUIA! ALLELUIA!